



光緒癸巳歲翻刻

產寶

板存聚奎堂周宅

產寶原序

人之所以生氣血而已血之所以生氣而已氣火也
血水也貯水於釜厝火而烹之其蒸蒸然浮動者水
也其所以然者非水也氣也火之用也故治血必先
理氣氣行血行氣滯血滯行則生滯則死見血之滯
而攻之使下是猶見水之滯而激之使行也今之業
產科者操此術以殺人蓋不知其幾矣嘉慶癸酉余
室人衛氏產後患瘀滯醫曰是非逐以莪朮荆三棱
不可一劑而神昏譫語則云藥輕不勝病益以大劑
而氣上逆暴脫矣余是時初未知醫以爲證故不治

但有悼痛厥後稍稍習歧黃家言得浦江倪氏所著
產寶讀之遇戚鄒中有患此者照是書於生化湯中
加生芪一二兩恒獲十全他證按方取治靡不愈然
後知前此爲庸醫所誤凡我迷荆三棱之屬破血而
因以蝕氣氣蝕則血無以生雖神奇亦化爲腐臭而
生化湯於行血中理氣增以生芪氣壯而血以行以
生故能奏效若此也余旣悼逝者之不可復作閔醫
之庸頃承乏平度聽斷之暇因取是書畧加刪潤鏤
板傳布俾業產科者有所據依毋徒以破血蝕氣之
藥殺人也嗟乎是豈獨產後然哉四明高鼓峰論治

血證以固元湯先回其氣湯中重用參芩而今世竊
工惟知用寒涼直折重遏其心肺之陽馴致生生之
氣絕而不可復救豈不悲哉埵著弁言爲世之治血
而不知理氣者告焉倪氏名枝維字佩玉號鳳賓雍
正六年成是書向無刊本余友趙文學魏寄眎寫本
弁之篋衍二十五年矣生平所見治產諸書未有出
此上者洵可寶也道光壬寅春仲海昌許榑序於平
度州署之行吾素齋

重訂產寶目錄

產後總論

脈訣論

生化湯論

生化湯

四物湯不宜產後論

殿胞煎

四神散

新產三審論

益母膏

胞衣不下

塊痛

血崩血暈

生化奪命湯
延胡索散

滋榮益氣湯

手足厥冷

生脈散

類傷寒

生化湯量加法

養正通幽湯

類中風

滋榮活絡湯

類瘧

人參養胃湯

參朮膏

妄言妄見

生化安神湯

生化補元湯

氣短

生化益氣湯

發喘

二味參蘇飲

咳嗽

自汗

調胃參芪湯

盜汗

牡蠣散

大便不通

小便不通

益氣生脈湯

嘔吐不納穀

安胃行血湯
補中調胃湯

傷食

加減六和湯

膨脹

養生化滯湯

泄瀉

訶皮生化湯

參苓生化湯

痢疾

加味生化湯
香連生化湯

煩悶

產後調護法

雜錄簡便各方

產寶

浦江倪枝維鳳賓原本

海甯

許 槌珊林訂正
鄒存淦儷笙重輯

產後總論

凡病皆起於氣血之衰。脾胃之弱而產後爲尤甚。是以丹溪論產必當大補氣血爲先。雖有他症以末治之。此言已盡醫產大旨。若能擴充立方。則治產思過半矣。夫產後症變百出。不可以常病之藥一概論治。如有氣勿專疎散。有食勿專消導。熱不可妄用芩連。

寒不可多用桂附。至若虛中外感，見三陽表症之多，似可汗也。在產後而用麻黃，則重竭其陽；見三陰裏症之多，似可下也。在產後而用承氣，則重亡其陰耳。聾脇痛，乃腎虛惡露之停，休用柴胡。讖語汗出，乃元弱似邪之症。毋同胃實厥，由陽氣之衰，難分寒熱。非大補不能回陽而起弱瘕，由陰血之虧，毋論剛柔，非滋榮不能舒筋而活絡。又如乍寒乍熱發作，有期症類瘧也。若以瘧治，遷延難愈，神不守舍，言語無倫，病似邪也。若同邪論，危殆可慮。去血多而大便燥結，菴蓉加於生化，非潤腸承氣之能通患。汗多而小便短。

澀生脈倍用參芪必生津助液之可利加參生化頻
服救產後之危六和調胃並行甦絕穀之厄顏產脫
肛多是氣虛下陷宜補中益氣之方拳攣口噤乃是
血燥類風當加參生化之劑產戶入風而痛甚宜服
羌活養榮湯玉門傷冷而不閉洗用茱硫合蛇兔菜
莢硫黃蛇床子兔絲子各五錢煎湯薰洗怔忡驚悸生化加以遠志似邪
恍惚安神佐以歸脾因氣而滿悶虛煩生化加木香
爲佐因食而噯酸惡食六君加神麴爲良蘇木棱蓬
最能破血用之必殆青皮枳實大能耗氣服之非宜
凡一應破血耗氣之品汗吐宜下之劑只可施於少

壯豈宜用於產危。大抵生產之後。先問惡露如何。塊痛未除。不可遽加參朮。腹中痛止。補中益氣爲良。至若亡陽脫汗。氣虛喘促。頻灌生化。加參是從權也。亡陰大熱。血崩昏厥。速煎生化原方。乃救急也。凡此治法。先爲提綱。庶使開卷了然。不至茫無頭緒。則未必無小補云。

脈訣論

脈經云。產後之脈。寸口洪疾不調者死。沉微附骨不絕者生。又曰。沉小緩滑者吉。實大堅弦疾者凶。牢革結代及瀉滯不調者不治。丹溪曰。胎前脈當洪數。旣

產而脈仍洪數者死。又曰胎前脈細小產後脈洪大者多死。余見產後多有洪數而生者。要知血虛之脈浮洪而數者居多。產後血虛故現此脈。若不明以告醫。俗醫多誤認爲外感虛虛之禍。在於頃刻。然此洪數之中自有和滑之象。非如窄疾而少胃氣之謂。故多死也。產經曰胎前之病其脈貴實。產後之病其脈貴虛。胎前則順氣安胎。產後則補虛消瘀。此其要也。大凡孕婦臨產氣血動盪。胞胎迸裂。與常經離異。必有水先下。俗謂之胞漿。卽養胎之液也。水下則胞裂而產。旣產則氣血兩虛。脈宜緩滑。緩則舒徐。不因氣

奪而急促。滑則流利。不因血去而枯濇。均吉兆也。若實大弦牢。非產後氣血兩虛所宜。實則邪實。大爲邪進。弦爲陰斂。宣布不能牢。爲堅著。近乎無胃。皆相逆之脈。故凶。

生化湯論

產後諸證。皆緣氣血驟下。元氣大虧。用藥不同常法。是以有虛極不能姑待者。則當峻補之中。加入溫行之藥。峻補則力大。而可宣通溫行。則流暢而不凝滯。至於逐瘀之劑。卽實證亦不可用。峻厲之藥。況產後大虛。恐血無主宰。一任藥力。便爲崩而不止。虛則易

脫勢如覆水難收矣。夫人遇大病之後，血氣兩虛，猶當調補。況產後脾胃血氣之虛衰，更有甚焉者乎？今之治產後者，亦云元氣因產而虧，運行失度，不免瘀血停留，致成諸疾。必以去瘀爲先，瘀消方可行補。甚有用回生丹攻血塊，下胞衣，殞人性命者。此蓋止知專攻舊瘀，而不知新血轉傷之害。豈知塊固當消，而新血猶當生也。蓋專消則新血不生，專生則舊血反滯。余考新產諸方，莫若生化湯爲產後第一妙方。其方川芎、當歸、桃仁三品，善治宿血，專生新血，佐以炙黑乾薑、炙草，引三品入於肝脾，生血理氣，莫善於此。

所謂行中有補。化中有生。實產後聖藥也。又有加入益母草一錢五分。功效亦同。故馮氏因此方之妙。變化用於臨產。加入人參、桂、牛膝、紅花。又爲催生之神劑矣。

生化湯

川芎

壹錢貳分

當歸 五錢

乾薑

炙黑五分

甘草

炙叁分

桃仁

去皮

尖研拾

壹粒

右藥用水壹盞。陳酒半盞。煎作壹盞。稍熱服。

服

凡懷孕至八九月。須預備二三劑。至胞衣破時。速煎一劑。俟兒分身。卽速服之。不問正產半產。雖少。

壯產婦平安無恙者亦宜服二三劑則惡自消而新自生第須初產一二時辰之內未進飲食之先相繼煎服以惡露在下焦故服多而頻使惡易化而新易生庶免血暈之患若胎前素弱及產後勞倦又當多服二劑以防昏怠若照常每日一服豈能救將危絕之氣血乎至虛人見危症及熱疾墮胎或勞甚身熱頭痛服藥四五劑雖覺稍安塊痛未除仍當服之

四物湯不宜產後論

凡產後諸病古方多用四物湯加減何也以方中有